

M528: Kölner Eidbücher

- 1r,1 in gotes namen Jesu Christi âmen dit is des eides buoch daz begriffen is
nâh
- 1r,2 gotes geburten tûsent jâr driu hundert jâr in deme ein inde zweinzigteme
jâre des
- 1r,3 nâhesten saterstages nâh deme êrsten sunnentage in der vasten alls man
singet Invocavit
- 1r,4 ez sî kunt daz wir die nû steint in deme engeme râte der stete von Kölne
mit namen
- 1r,5 hêrr Hilgêr hêrr von der Stessen hêrr Gêrhart Überstolz hêrr Ruotgêr Râze
- 1r,6 rîtare inde scheffene her Gothart Jude rîtar hêrr Gêrhart von Benesis in
Lintgazzen hêr
- 1r,7 Johan von Gürzenich hêrr Dieterich der Gîr scheffene hêrr Gotevrit der
hêrr von vôtēs
- 1r,8 Almers hûse hêrr Mathias Überstolz der Heinrich von deme spiegele hêrr
Goteschalc Überstolz
- 1r,9 hêrr Johannes sun an der bach hêrr Robin Grîn hêrr Johan von Beien hêrr
Gêrhart Scherfchîn
- 1r,10 von Striunden inde Gêrhart Quattermart umbe gemein bezziste der stete
von Kölne
- 1r,11 übertragen hân sôwaz man schrîbet geschriben is ob noch geschriben
werden sal in dit buoch
- 1r,12 daz man heizet des eides buoch daz daz mannelîch halten sal gelîche deme
brieve den der
- 1r,13 rât dê vore uns nâheste saz machete mit namen hêrr Johan Überstolz von
der bach hêrr
- 1r,14 Philips Quattermart hêrr Wernher von der schiuren rîtar scheffene
Ruotgêr von Lîsenkirchen
- 1r,15 hêrr Göbel Hartevûst in Rîngazzen hêrr Kuone der Gîr scheffene hêrr
Heinrich
- 1r,16 Grîn scheffene hêrr Dieterich von deme hirze scheffene hêrr Heinrich Jude
- 1r,17 hêrr Goteschalc Überstolz hêrr Goteschalkes sun hêrr Tielman
Kleingedanc hêrr
- 1r,18 Hilgêr Hirzelîn hêrr Heinrich von deme Spiegele ûf deme Schâchzabele
Walthelm Mennechîn
- 1r,19 inde Heinrich von deme Horne inde dê burgermeistere mit namen hêrr
Franko der Gîr
- 1r,20 von Kobelenzhoven scheffene inde hêrr Johan Quattermart der rîtar zuo
des herzogen

- 1r,21 hûse mannelîch ûf den eit in al der formen alls der brief læt die zît die hê dûren
- 1r,22 sal aber sal man ouch halten deme selben gelîche des wir rât dê nû sitzet inde hier
- 1r,23 vore genant is übertragen inde besigelt hân mit unsen ingesigelen daz ouch den selben
- 1r,24 brief al die ræte die nâh uns sitzent halten inde besigelen sulen ûf iren eit in al der
- 1r,25 wîs alls hê læt diz is übertragen mittes al die enge ræte die vore inde nâh gesezzen
- 1r,26 hânt inde mit den zwein inde ahtzigen hêrren von deme wîten râte
- 1r,27 aber sî iz kunt daz die stat von Kölne schuldic is den hêrren von sent Katerînen
- 1r,28 zuo Kölne tûsent marke inde drî inde vûnvzic marke kölnisch pagamendes alls von wîne den si
- 1r,29 der stete nützelîchen geborget inde verkouft hânt daz gelt sal man in bezalen
- 1r,30 zuo den zîten die her în geschriben steint ein dritteil zuo paschen daz nû næheste komente is
- 1r,31 inde daz ander dritteil zuo sent Remies missen inde daz lezzeste dritteil daz von paschen
- 1r,32 komet über ein jâr mit al den voreworten alls in deme brieve steit den si von der stete
- 1r,33 hânt besigelt mit deme meisten ingesigele
- 1v,1 aber en sal man die Lamparter der daz hûs is bî sent Marien Malzbühel ze Kölne in
- 1v,2 beschirmenisse der stete ire lîp inde ire guot niet nemen si en haben der stete genuoc getân
- 1v,3 allerjârlîches von anderhalb hundert marken renden kölnisch pagamendes renden inde alls manic jâr
- 1v,4 alls si gesinnent daz solen si halp gevorenes geben . êr . man in einige brieve gebe .. inde den zins den
- 1v,5 si vore schuldic sint
- 1v,6 aber deme selben gelîche sal man tuon den lamparten der daz hûs is zuo deme bucke die dâ
- 1v,7 hundert marke solen geben in der formen alls hier vore geschriben steit
- 1v,8 in gotes namen âmen .. ez sî kunt daz wir der enge rât der stete von Kölne bezalt haben
- 1v,9 von der stete guote von Kölne . deme Vuhse von Rüedesheim eineme rîtare vüre Gêrhart Überstolze
- 1v,10 einen scheffen sun hêrrn Gêrhartes Überstolz .. rîtar inde .. scheffene von Kölne zuo verhüeten unsen burgeren
- 1v,11 swærden inde vorerâtes die dâr in . vallen mohten sehs inde drîzic pfunt haller .. inde wande
- 1v,12 unse burgere her umbe gevangen .. wâren inde geschätzt sint mit namen Tielman ein Gürtelworhtær
- 1v,13 vore der münzen / dê vüre sich bezalt hât drîzien pfunt haller . aber .. Simon .. Mathias

- 1v,14 sun der gürtelworhtær vünvzien pfunt hallere aber Arnolt von Glêne ûf
deme
- 1v,15 Kriechmarkte . ahte pfunt .. aber Mathias von der linden ûf deme
Kriechmarkte sehsziene
- 1v,16 pfunt haller . aber . Eberhart von . Triere . sehs pfunt . haller .. inde wande
wir von der
- 1v,17 stete . wegen die . sehs inde drîzic pfunt haller von des voresprochen
Gêrhartes .. wegen bezalt
- 1v,18 haben deme vore genuomteme rîtare inde ouch die voresprochen unse
burgere daz gelt daz
- 1v,19 here vore geschriben steit ime gegeben inde bezalt hânt . umbe sînere
schulde wille des dê
- 1v,20 voresprochen rîtar sîne offen brieve hatte sô setzen wir inde willen daz ..
sôwanne
- 1v,21 Gêhart in Kôlnen komet daz der rât dê danne ze der zît sitzet ûf iren eit in
dâr
- 1v,22 zuo halten solen sunder arge list daz hê daz voresprochen gelt beide unser
stete
- 1v,23 inde unsen burgeren gelte die hier vore geschriben steint ob ander daz si
sich halten an
- 1v,24 sîn lîp inde an sîn guot . biz hê von diseme voresprochen gelte genuoc getân
habe ..
- 1v,25 dit is geschiet . des vrîtages . nâh sent Peters tage . den man nennet at
cathedram .. nâh
- 1v,26 gotes geburten . tûsent jâr driu hundert jâr in deme ein inde zweinzigten
jâre ..
- 1v,27 aber sî iz kunt wande in deme grôzen brieve geschriben steit . welich . gast
ûf deme Rîne
- 1v,28 wîne giltet . daz . der wirt ob der underkoufær die dâr zuo helfent ob daz
zuo brengent
- 1v,29 gelten solen zuo buozen zien marke . sô hân wir übertragen . daz man dâr
bî schicken sal .
- 1v,30 einen von engeme râte inde zwêne von deme wîten râte . dit ze bewaren
inde von diser
- 1v,31 buozen sal ervallen . daz . dritteil der stete . daz ander dritteil . den vorderen
1v,32 inde daz lezzeste dritteil deme . dê dit meldet . dit is geschiet alls hier
enboben
- 4r,16 in gotes namen âmen ez sî kunt daz unse hêrren die in engeme râte sitzent
mit den hêrren die vore inde nâh
- 4r,17 in râte gesezzen hânt / hânt gesatzt inde willent daz ez mannelîch halte ûf
sînen eit daz sôwanne daz die vünvzien
- 4r,18 hêrren die in râte daz jâr gesezzen hânt kiesen sulen die vünvziene die in
engeme râte sitzen sulen . obe danne
- 4r,19 ein vater einiges sunes gekoren wirdet in den engen rât sô sal der sun kiesen
inde sal ûz gân . wær ouch obe
- 4r,20 einic sun einiges vaters gekoren wirdet sô sal der vater kiesen inde sal ûz
gân . wer ouch obe einic bruoder gekoren

- 4r,21 wirdet sô sal der bruoder kiesen inde sal ûz gân . is ouch einic eidem einiges
hêrren dê gekoren wirdet sô sal der
- 4r,22 hêrre kiesen inde sal ûz gân . wirdet ouch einic hêrre einiges eidemes sô sal
der eidem kiesen inde sal ûz gân ..
- 4r,23 aber hânt unse hêrren übertragen inde willent daz man ez halte daz sô vüre
welichen man daz gebeten wirdet
- 4r,24 obe dê teit biten obe selber bitet sich in den engen rât daz jâr ze kiesen daz
man den in den engen rât daz jâr niet kiesen
- 4r,25 en sal einiger hande wîs . wande nieman den anderen kiesen en sal umbe
einige liebe noch lâzen en sal umbe einigen haz alsô en sal nieman biten
- 4r,26 vüre den anderen ze hazze ûf daz hê niet in den rât en kume danne
sunderlingen umbe der stete bezziste .
- 4r,27 aber hânt unse hêrren übertragen inde willint daz mannelîch halte ûf sînen
eit daz sôwanne daz man einen
- 4r,28 engen rât kiesen sal . daz unse hêrren under in engeinen vorerât haben en
sulen heimelîchen noch offenbâr
- 4r,29 noch engein unser hêrren die in râte sitzent sal deme anderme engein
gelobnisse tuon mit einiger hande behenticheite
- 4r,30 “kîus mir den ich kiese dir disen” danne mannelîch sal kiesen ûf den kurtac
einen biderben man ûf
- 4r,31 sînen eit dê nütze sî daz jâr der stete von Kölne .
- 4r,32 aber hânt unse hêrren gesatzt inde willent daz man ezz halte . wær daz sache
obe einige rentemeisterschaf
- 4r,33 pforzenære zolnære wegemeistere obe einige rende lôs wære alsô daz si
besatzt solten werden obe gekoren von
- 4r,34 deme engeme râte dê zuo der zît sæze daz danne ein iegelich hêrre dê in
engeme râte sitzet prüeven sal
- 4r,35 umbe einen zwêne obe drîe biderber liute unser burger von Kölne die sal
man vort brengen inde sî
- 4r,36 nuomen ûf einen tac alsô man kiesen sal inde ûzer den die von unsen hêrren
genuomet werdent sal
- 4r,37 man prüeven einen biderben man mannelîch ûf sînen eit inde sal mannelîch
tuon schrîben des namen den
- 4r,38 hê kiesen willt inde dê in dunket daz allernützest sî der stete von Kölne in
einen brieve inde die brieve
- 4r,39 sal man werfen in eine bühse inde wê danne daz meiste part hæet dê sal daz
ambet unden hân . also
- 4r,40 lange als es ime der rât gan dê zuo der zît sitzet . ûzbescheiden allre hande
hante list wær ouch
- 4r,41 daz sache obe einic persôn vüre sich bæte obe ieman von sîner wegen mit
einiger hande behenticheite biten
- 4r,42 tæte obe gebeten würde den persôn en sal nieman bî sîneme eide kiesen
allre hande hante list ûzbescheiden .
- 4v,1 aber sô haben unse hêrren übertragen inde willent daz iz mannelîch halte
bî sîneme eide daz die meisten
- 4v,2 des râtes sôwanne daz sî gekoren werdent bî ireme eide begrîfen sulen daz
si von den rentmeistern

- 4v,3 noch von den boten heischen noch nemen noch lêhenen en sulen von der
stete guote zuo einiger hande
- 4v,4 matschaf ez en sî danne daz der rât samiclîchen inde gemeinlîchen umbe
sunderlîche nôt der
- 4v,5 stete von Kölne bî ein belîben wolten inde samen ezzen inde daz sulen ouch
die boten begrîfen bî ireme
- 4v,6 eide daz sî engeiner hande gelt der stete von Kölne in geben noch lêhenen
en sulen . ouch en sulen die meistere
- 4v,7 des râtes niemanne engeine vlasche der stete wînes geben ez en sî mit willen
des râtes .
- 4v,8 aber hânt unse hêrren übertragen daz engein rât dê ze der zît sitzet / mit
den juden tædingen sal / in
- 4v,9 ire jârzale ze lengen ez en sî ein halp jâr vore der zît daz ire jârzalên ûz gân
sulen inde daz
- 4v,10 sulen sî tuon übermittes alle rede bî ireme eide .
- 4v,11 aber hânt unse hêrren übertragen daz man den pforzenæren noch den die
ûf den türnen sitzent
- 4v,12 engeinere hande gelt noch geltes wert geben en sal bî deme eide enboben
ire gesatzte jærlîche rende
- 4v,13 aber hânt unse hêrren übertragen daz engein . hêrre dê vore inde nâh in
engeme râte gesezzen
- 4v,14 hânt engeinere persônen man obe vrouwen ûf der burger hûs tac leisten en
sal vore
- 4v,15 engeineme gerihte daz den rât der stete von Kölnen an geit . dit sal man
halten mannelîch ûf
- 4v,16 sînen eit . aber sô en sal man engeine brieve besigelen mit deme grôzen
sigelen iz en
- 4v,17 sî übermittes alle reden
- 4v,18 wir der enge rât dê nû sitzet hân übertragen inde gebeten daz man daz halte
ûf den eit
- 4v,19 daz engein rât dê nâh uns kumen sal sal setzen obe tuon setzen in dit
eitbuoch einic
- 4v,20 punt iz en sî übermittes alle ræte die vore inde nâh gesezzen hânt .
- 4v,21 in gotes namen âmen ez sî kunt daz unse hêrren die nû sitzent in engeme
râte übertragen
- 4v,22 hânt inde gebietet daz mannelîch halte bî sîneme eide daz nieman dê in
engeme râte sitzet also
- 4v,23 man der stete pfenninc verpfekten sal den selben pfenninc verpfekten sal
heimelîchen
- 4v,24 noch offenbâr noch nieman von sîner wegen mit engeinere hande
behenticheite obe arger list
- 4v,25 also ez zuo sîneme nutze wære .
- 4v,26 in gotes namen âmen ez sî kunt daz unse hêrren von deme engeme râte die
nû
- 4v,27 sitzent mit allen ræten übertragen hânt daz sôwanne man den engen rât
kiuset
- 4v,28 daz dê dê in den engen rât daz jâr gekoren wirdet nâh volgen sal zuo deme
anderme gebote en volget hê zuo deme anderme gebote

- 4v,29 sô en sal hê daz jâr niet in râte sitzen
 4v,30 in gotes namen âmen ez sî kunt daz unse hêrren die nû in engeme râte
 sitzent mit
 4v,31 unsen hêrren die vore inde nâh in engeme râte gesezzen hânt übertragen
 hânt inde
 4v,32 setzent daz sôwelich hêrre dê gekoren wirdet in den engen rât dê sal nâh
 volgen
 4v,33 zuo deme anderme gebote . sôwê niet nâh en volget zuo deme anderme
 gebote dê en
 4v,34 sal daz jâr in der stete râte niet sitzen ez en wære danne daz der kein dê
 gekoren
 4v,35 wirdet binnen Kölne niet en wære obe daz iz ime lîbes nôt tæte dit sal dûren
 dê zien jâr ouch sî ze wîzzen
 4v,36 daz der bote sal gebieten daz êrste gebot inde die meistere des râtes daz
 andere

 5r,1 ez sî kunt daz unse hêrren die nû sitzent in engeme râte mit allen ræten
 übertragen hânt inde bevelhent unsen hêrren die
 5r,2 nû in den engen rât gekoren sint ûf iren eit daz sî ûz gein inde vernemen
 die
 5r,3 wârheit . sôwê daz gelt zuo rehte daz gelobet is hêrrn Dieteriche von
 Îsenburc hêrre zuo Arenvels
 5r,4 von deme râte von Kölne zwûschen dit inde palmen billîchen von hêren
 Gotevrides Hartevûst in Rîngazzen
 5r,5 wegen inde hêrrn Hermannes sînes bruoders gelten sal also von der tædinge
 die zwûschen in inde deme hêrren von Îsenburc geweset is
 5r,6 obe iz die stat von Kölne billîchen gelten sal obe hêrr Gotevrit inde sîn
 bruoder hêrr Herman
 5r,7 ez sî kunt daz wande hêrr Heinrich Scherfchîn ein rîtær Gêrhart von deme
 Kusine Petrus von deme
 5r,8 Lêparde Emunt Birkelîn Walthelm Rôtstoc Hiltegêrs Birkelîn Kraht wider
 der stete gebot daz
 5r,9 ûf der burger hûse zuo gemeinere morgensprâchen gestætiget wart reisen
 geriten sint her umbe
 5r,10 sô sal ire iewelich gelten ze buozen . 50 . marc zuo den zîten die her nâh
 geschriben steint von
 5r,11 paschen nû kumen sal vûre ein jâr ir iewelich sibenzien marke vier schillinge
 min inde vort
 5r,12 iemer zuo paschen ir iewelich sibenzien marke vier schillinge min alsô lange
 biz ir iewelich
 5r,13 sîn vûnvzic marke bezalt hât . inde sôwelicher von disen voresprochenen
 persônen niet
 5r,14 en bezalte zuo sîneme tîrmpte dê sal gelten ze buozen iemer des des tages
 eine marc alsô lange
 5r,15 also hê sînen tîrmpt versitzet der stete von Kölne . der pînen en sal man
 ime niet lâzen
 5r,16 inde man sal die vorderen ûf den eit . datum . anno . domini . M . CCC
 5r,17 vicesimo octavo feria sexta post dominicam Invocavit .

- 5r,18 dit sal der rât vorderen dê ze der zît sitzet ûf iren eit .
5r,19 ez sî kunt daz wande Ansem von Ohsenbrüggen dê zuo Münstere wonhaftic
is jude / voremâls gehangenisse tete daz die stat
5r,20 von Kölne iren lîpbalke dâ die rame von der burger hûse ûf restet umbe
sunderlinge liebe des râtes
5r,21 von Kölne liez in sîne mûre legen inde ime gelobet wart daz man in
guotlichen her umbe versien solte sô hânt unse hêrren
5r,22 ane gesien die vriuntschaf die hê zuo der stete von Kölne voremâls gekêrt
hât inde gunnen
5r,23 ime des daz hê sînen gibel ûf vüeren mac also hôh also hê willt inde mac
daz dritteil der strâzen
5r,24 beslân alsô daz hê sîn gezimber behalte alsô daz man gân inde stân müge
biz hê sîn werc volvuort hæet inde mac zuo der strâzen türen vensteren ûz
machen
5r,25 also verre also ime daz eben komet inde nütze is inde gewonelic is inde
hânt dâr zuo unse hêrren geschicket die zwêne
5r,26 rentmeistere daz sî ez bewaren daz deme juden engein ungevuoc en geschie
biz hê sînen
5r,27 bû volvuort hæet .
5r,28 unse hêrren die hânt gewîst daz hêrre Johan Quattermart ûf Santkûlen
rîtære
5r,29 inde scheffen inde die mit ime wâren ein houfinge getân hânt dâ hê sîne
buoze
5r,30 inde die mit ime dâ ane wâren abe gelten sal .
5r,31 aber sô hânt unse hêrren gewîst daz Brûno inde Ludewic Buntouge inde
die mit in wâren ein
5r,32 houfinge getân hânt daz sî her umbe die buoze gelten solen inde die mit
wâren .
5r,33 aber hânt sî gewîst daz Sander von der badestuben inde Wilhelm sîn
bruoder inde
5r,34 die mit in wâren eine houfinge getân haben daz sî her umbe ire buoze gelten
sulen
5r,35 inde die mit in wâren inde bevelhent unsen hêrren ûf iren eit daz sî die
buoze
5r,36 vorderen die dâr ûf gesatzt is .
- 5v,1 in gotes namen âmen ez sî kunt daz unse hêrren von deme engeme râte hânt
geboten
5v,2 hêrrn Hermanne Scherfchîne rîtære inde scheffene deme græven daz hê
noch sîne gewalt noch
5v,3 nieman von sînen wegen engeineme juden noch jüdinnen engeine unrehte
gewalt tuon
5v,4 en sal noch sî in des kamerærs hûs noch in sîn sloz noch in engein sloz
setzen en sal noch tuon
5v,5 setzen dê einigen erphaftigen juden obe jüdinnen zuo bürgen setzen mac
obe dê selbe
5v,6 erphaftic is umbe einige die vorderunge die hê zuoze deme juden obe
jüdinnen haben

- 5v,7 mac . inde von deme juden obe jüdinnen den hê gebürgezoget hæť sal hê klagen vore
- 5v,8 deme bischove inde deme kapitele der judesschaf inde sal dâ nemen sunder widerrede
- 5v,9 jüdisch reht sôwaz in daz meiste part von deme kapitele der judeschaf wîset . inde alse
- 5v,10 dê jude daz geteit sô sal hê quît sîn der anesprâchen . wær daz sache daz hê her
- 5v,11 wider tete einiger hande wîse sô sal man sich halten an sîn lîp inde an sîn guot .
- 5v,12 inde welich sînere boten den juden obe die jüdinnen hier enboben in einic sloz legete
- 5v,13 dê sal ligen vier wochen in der stete turne besmidet von Kölne inde wazzer inde brôt ezzen
- 5v,14 inde danne niet ze kumen die vier wochen en sîn umbe . datum
- 5v,15 anno domini MCCCXXVII feria secunda post Jubilate .
-
- 6r,1 in gotes namen âmen ez sî kunt daz unse hêrren von deme engeme râte die nû sitzent mit unse hêrren die vore
- 6r,2 inde nâh gesezzen hânt übertragen hânt mit Johanne Ruvage einen burgere von Strâzburc mit sînen willen daz unse
- 6r,3 hêrren von deme râte die nû sitzent inde die her nâh sitzen sulen bezalen sulen ime obe sînen erben obe sînen gewissen
- 6r,4 boten dê eine quitanzie brenget vier hundert marke vûnv inde zweinzic marke min kölnisch pagamendes drî hallere vûre zwêne
- 6r,5 pfenninge obe einen guldînen vûre eine marc obe driuzien kûninges turnôse vûre eine marc gerechenet welich hê kiesen willt von
- 6r,6 diseme pagamende vûre Heinriche von deme spiegele von deme hasen inde Rîchmuote sîne hûsvrouwe die sî ime bekant hatten
- 6r,7 vore unsen rihtæren ûf der burger hûse zuo den zîten alse her nâh geschriben steit / nû hendelingen ûf unser vrouwen
- 6r,8 tac dô sî geboren wart zweinzic marke inde vort von sente Remies nû kumen sal über ein jâr zweinzic marke
- 6r,9 inde vort allejârs ûf sente Remies tac zweinzic marke alse lange biz daz voresprochene gelt bezalt is . inde
- 6r,10 dit gelt sulen unser hêrren geben die in râte sitzent sôwanne daz hê es gesinnet zuo sînere rehter zît inde bezalen sunder
- 6r,11 allre hande argelist . dit is geschiet nâh gotes gebûrte tûsent driu hundert inde sehs inde zweinzic jâr des
- 6r,12 mântages ûf sente Êgidius tac
- 6r,13 aber sô hânt unse hêrren übertragen wær daz sache daz die selbe Rîchmuot die dâ vore genant is die zweinzic
- 6r,14 marke die unse hêrren vûre sî inde vûre Heinriche iren man bezalt hânt inde noch vort allejârs ûf sente Remies tac
- 6r,15 zweinzic marke die wir gelobet hân zuo bezalen / Ruvage niet en gæbe noch en bezalte inde die stat sî bezalen
- 6r,16 muosten sô sulen unse hêrren sich erkoberen an deme kindesteile daz sî Ruvage ûf getrân hatte inde daz

- 6r,17 geschriben steit in unser hêrren der scheffen schrîne inde sich vort
erkoberen sulen an ireme lîbe inde an ireme
- 6r,18 guote inde an alle irere renden wâ sî gelegen is alse lange biz daz
voresprochene gelt mit deme schaden den die
- 6r,19 stat dâr umbe lite bezalt is inde ire aftermâls engeinen tac geben . inde dit
sal man halten bî deme eide
- 6r,20 inde die zweinzic marke sal der rât ûf büren inde ûf heben dê ze der zît sitzet
an alle ireme guote inde an alle irere
- 6r,21 renden wâ sî gelegen is allejârs bî deme eide . datum ut supra .
- 6r,22 in gotes namen âmen ez sî kunt daz unse hêrren von deme engeme râte hânt
geboden
- 6r,23 hêren Hermanne Scherfchîne deme græven daz hê noch sîne gewalt noch
nieman von sînen
- 6r,24 wegen / engeinen juden noch jüdinnen engein unreht gewalt tuon en sal
noch in des kameræres hûs noch in sîn sloz noch in engein sloz setzen en
sal
- 6r,25 noch tuon setzen dê einigen erphaftigen juden obe jüdinnen ze bürge setzen
mac obe dê selbe erphaftic is umbe
- 6r,26 einige die vorderingen die hê zuoze ime haben mac ez en gê danne an unser
hêrren
- 6r,27 des scheffen gerihte inde als hê daz tuon sal sô daz sal sîn übermittes
gemeine
- 6r,28 vertrac unser hêrren der scheffen inde von deme juden den hê .
gebürgezoget hætt
- 6r,29 sal hê klagen vore deme bischove inde deme kapitel inde sal dâ nemen
sunder widerrede
- 6r,30 jüdisch reht sôwaz in daz meiste part von der juden kapitel wîset inde alse
dê jude daz geteit
- 6r,31 sô sal hê quît sîn der anesprâchen . wær daz hê her wider tæte einiger hande
wîse sô
- 6r,32 sal man sich halten an sîn lîp inde an sîn guot inde welich sînere boten
- 6r,33 den juden obe die jüdinnen hier enboben in einic sloz legete dê sal ligen vier
wochen
- 6r,34 besmidet in der stete turne inde wazzer inde brôt ezzen . inde danne niet
- 6r,35 ze kumen die vier wochen en sîn umbe .
- 6v,18 ez sî kunt daz unse hêrren von deme engeme râte mit unsen hêrren die vore
inde nâh im engeme râte gesezzen
- 6v,19 hânt hânt gewîst vüre ein reht daz hêrr Göbel Hartevûst in Rîngazzen inde
hêrr Herman
- 6v,20 sîn bruoder sulen bezalen der stete von Kölne von den vierdehalp hundert
marken die die stat
- 6v,21 von Kölne bezalt hât hêrrn Dieteriche von Arenvels hêre zuo Îsenburc zwei
hundert marke
- 6v,22 vûnv inde zweinzic marke niun daz halpscheide zuo sente Johannes missen
inde daz ander halpscheide
- 6v,23 zuo sente Remies missen nû næhest zuo kumente is obe zemâle zuo sente
Remies

- 6v,24 missen obe sî willent inde wie sî einigen tirmet versæzen inde niet en bezalten sô sal
- 6v,25 ir iewelich gelten ze buozen iemer des tages eine marc biz daz voresprochene gelt bezalt
- 6v,26 is die buoze sal man vorderen ûf den eit datum ut supra
- 6v,27 in gotes namen âmen . ez sî kunt daz unse hêrren von deme engeme râte gesatzt hânt eintrehtelîchen
- 6v,28 daz die pforzenære ûf den offenen pforzen ze velde wert inde von den zwein türnen ze Beiene inde
- 6v,29 zuo sente Kuniberte ûf den pforzen inde ûf den türnen sôwanne daz iz in unse hêrren von deme
- 6v,30 râte bevelhent tagelîches belîben sulen inde niet dannen abe gân danne zuo missen mannelîch zuo der kirechen
- 6v,31 die sînere pforzen allernæheste gelegen is inde alse balde alse sî die misse gehôrt hânt sô sulen sî
- 6v,32 wider gân ûf ire pforze inde dâ ûfe obe dâ unden dâr bî belîben biz alse lange daz iz unse
- 6v,33 hêrren daz widerbietent . inde sulen bereit sîn eineme iegelîcheme burgere inde gaste ûz inde in
- 6v,34 ze lâzen inde ire guot sôwanne daz sî es gesinnent inde zît ic is sunder einiger hande geniez
- 6v,35 ouch en sulen sî niet ze arne obe ire gesinde noch nieman von iren wegen mit engeinere hande behenticheite
- 6v,36 engeine garben noch engeinere hande gâbe noch geniez zuo einiger zît von deme jâre nemen .
- 7r,1 ouch sô en sulen sî noch engeine pforzenære der stete von Kölne noch nieman anders engeinere hande vie in
- 7r,2 der stete graben tuon noch lâzen tuon inde sulen dise punte alle halten bî ireme eide inde welich
- 7r,3 ir her wider tæte an deme punte daz hê vie in den graben tæte obe liez tuon dê sal gelten
- 7r,4 zuo buozen iemer des tages eine marc inde alse dicke alse hê iz teit . inde vort sôwelicher
- 7r,5 der anderre punte einic brichet den sal man von der pforzen setzen inde einen anderen wider
- 7r,6 dâr ûf in sîne stat inde sulen dise eide erniuwen allejârs vore deme râte von Kölne datum
- 7r,7 anno . domini M CCC XXVIII in die beati Albani .
- 7r,8 unse hêrren von deme râte die nû sitzent die hânt übertragen inde gewîst vüre ein –[...]
- 7r,9 in gotes namen âmen . wir der enge rât dê nû sitze hân des übertragen daz noch wir noch
- 7r,10 engein rât engeine misse hoeren en sulen ûf der kappellen der marktpforzen alse lange alse hêr
- 7r,11 Rîcholf der kirchhêre von sente Albâne die kireche besitzen sal inde diz en sal noch wir

- 7r,12 noch engein rât die nâh uns sitzen sulen wandelen mit enigeme punte ûf
den eit . inde
- 7r,13 dit sal man halten ûf den eit . dit is geschiet nâh gotes gebürte tûsent driu
hundert
- 7r,14 in deme niun inde zweinzigesteme jâre . des vrîtages dê âbent is sente
Marien Magdalenen .
- 7r,15 ez sî kunt daz wir der enge rât dê nû sitzet hân Johanne dê sun is hêrrn
Gêrhartes Kornegiles
- 7r,16 tuon legen in den turn umbe der brüchen wille daz hê jâte juden von Kölne
mit eineme
- 7r,17 gerahten metze inde wunde Heinen unsen boten inde niet umbe einige
buoze . her umbe
- 7r,18 sô en willen wir niet daz in ieman borge ûzer deme turne ze lâzen obe daz
man in ûzer
- 7r,19 deme turne lâze iz en sî mit willen inde gehangenisse Gêrhartes Kornegiles
inde sînere
- 7r,20 vriunde dit sal man halten ûf den eit .